

EHEk erdal ereduak salatu ditu Jaurlaritzan

Hainbat salaketa-gutun bidali dituzte
Hezkuntza Sailera

Erdal erduetan ikasketak egin ostean euskara maila txukun bat lortu ez duten ehundaka herritarrek gutun bana igorri diote, EHEren ekimenez, Inaxio Oliveri Hezkuntza sailburuari. Bide batez, halakorik berriro gerta ez dadin A eta G ereduak desagertarazteko eskatu diote.

Erredakzioa / Donostia

«EUSKARARI buruzko legediak derrigorrezko hezkuntza bukatzerakoan ikasle guztien euskararen jaketuntza bermatzea agindu arren, nire kasuan derri-gorrezko hezkuntza bukatu eta ez dut euskararen jaketuntza lortu». Hitz horiekin azaldu diote ehundaka herritarrek Hezkuntza Sailburu Inaxio Oliveriri beren kexua. Guztiak, EAEn eredu erdaldunetan ikasketak egin zituzten gizon eta emakumeak dira, hezkuntza horretan jasotako euskara ezagutzarekin asebate ez eta beraien kontura hobetu eta sakondu behar izan dutenak. Bide batez, gutun horretan A eta G ereduak desagertarazteko eskatu diote, ez dutelako euskara maila txukun baten ezagutza ziurtatzen.

Kexu horren berri emateko aukera Euskal Herrian Euskaraz taldeak eman die, haren ekimenez sinatu baitute Hezkuntza Sailean aurkeztutako gutuna. EHEko kideek, gainera, beraien kexua gutun hauek bidaltzearekin ez dela amaituko diote: «Horren berri EAEko Legebiltzarreko Hezkuntza Saileko alder-

diei, sindikatuari, guraso elkartei eta ikasle elkartei bidaliko diegu». Halaber, sinadurak biltzen zein bestelako salaketa eta protesta ekintzak egiten jarraituko dutela esan dute.

Eskola pribatuaren konpromezua kolokan • Euskal Herrian Euskaraz taldeko kideek kezka azaldu dute, era berean, eskola pribatuetan euskarari eskaintzen zaion tartea dela eta. Euskal Autonomia Erkidegoko zein Nafarroako eskola publikoetan nabarmena da euskal adarreko atxikimendu geroz eta zabala goa. Eskola pribatuetan, ordea, indar nabarmena dute oraindik euskarak garrantzi gutxi duen ereduak. «Eskola pribatuak oro har ez du asumitzen etorkizun euskaldun bat gure gizartearen zatia».

Ilido berean, Euskal Herrian Euskarazek gogor kritikatu du haren ustetan nagusitzen ari den giroa, euskal eskolaren kontratatzat baitute. «Bereziki salatu behar da euskal eskolen aurka bultzatzen ari den giroa, politikari eta komunikabide espainiarren aldetik, behin eta berriz euskal eskolen hedapenaren aurka». X

Donostiako Udalak eta UEUK hitzarmena sinatu dute

■ 900.000 pezetako dirulaguntza emango diote

I. Petxarroman / Donostia

DONOSTIAKO Udaleko Euskara Patronatuko lehendakari eta Euskara zinegotzi Beatriz Otaegik eta UEUKo zuzendari Mikel Aizpuruk lankidetzat hitzarmena sinatu zuten atzo Donostiako Udaletxean. Donostiako Udalak 900.000 pezetako dirulaguntzak emango dizkio Udaiko Euskal Unibertsitateari aurren (36.000 libera inguru), bi zereginetarako: Batetik, Iruñean edo Baionan izango diren udako ikastaroetan parte hartuko duten Donostiako ikasleei matrikula ordaintzen laguntzeko; eta, bestetik, UEUKo ponentziak argitaratu emango dituen liburua argitaratzeko.

Beatriz Otaegik esan zuenez, «UEUren lana oso garrantzitsutzat jotzen dugu, urteetan euskararen alde aritu delako, goi mailako ikastaroen bidez». Otaegik

gik uste du UEUK ekarpen handia egiten diela eta aurrerantzean egingo diela donostiarrei, eta horregatik laguntzea erabaki dute. Azken bost urteetan batez beste 300 donostiar inguruk parte hartu dute UEUK antolatutako udako ikastaroetan.

Mikel Aizpuru UEUKo zuzendariak ere «oso garrantzitsutzat» jo zuen hitzarmena, eta balio bikoitza duela onartu zuen: «Alde batetik, dirulaguntza oso inportantea delako guretzat, gure lana egin ahal izateko; bestetik, Donostiako Udalak onartu egiten duela UEUren lana, eta hori oso garrantzitsua da guretzat».

UEUK 32 milioi pezetako aurrekontua du, eta dirulaguntzak jasotzen ditu Hego Euskal Herriko bi gobernuetatik, Gipuzkoako diputaziotik eta hainbat eta hainbat udalen aldetik. X



AEKren aurkako erasoen kontrako kontzentrazioa

Gipuzkoako AEK-k deituta, atzo arratsaldean kontzentrazioa egin zen Donostiako Artzain Onaren katedralaren atarian, Alfabetatze-Euskalduntze Koordinakundeak azkenaldi honetan jasotuen erasoen aurka protesta egiteko. Kontzentrazioan AEK-ko ikasle-irakasleak eta bestelako herritar ugari bildu ziren *Nahikoa da! Utzi AEK eta euskara bakean zioen* pankartaren atzean. Koordinakundearentzat ez da nahikoa Baltasar Garzon epaileak aste honetan AEKren kontuak desblokeatzeko agindua eman izana. Izan ere, AEK-k eta euskarak oro har azkenaldi honetan jasan duten eraso orokorrako baten barnean kokatzen dute gertatutakoa.

Udaz bapo gozatu metro bilbaorekin



Metro Bilbaon udaz bapo goza dezazun nahi dugu, hondartzaldia luzatuz. Horregatik, ekainaren 15ean udako zerbitzuari ekingo diogu, eguncan zehar Larrabasterra eta Plentziarainoko trenak areagotuz, eta ostiral, larunbat eta jai bezperetan gau osoan trenak jarritz.

Argibideetako telefona:
94 425 40 25



metro bilbao

Ekainaren 15etik irailaren 6ra		
Bidezatia	Egunez Gauez	
BOLUETA • LARRABASTERRA (Norabide bietan)	10'	30'
BOLUETA • PLENTZIA (Norabide bietan)	20'	30'

OHARRA: Aste Nagusian tren zerbitzu berezia izango da, orduko jakinaraziko dizueguna.